

Mientras cu comerciantenan ta wordo priminti cu tram lo cuminsa core pa dia 15 di december

Proyecto di Rails ta basta curu

ORANJESTAD - E proyecto aki te awor aki ta mustra basta curu, aunke cu a pasa den dos fase grandi caba, segun director di DOW, ing. Jossy Figaroa. E dos partinan ta di infraestructura y e parti di e rails. E ta hopi trabao pasobra tur dos pa gobierno tabata completamente nobo. Nunca a pone rails na Aruba, nunca a coba un bakprofiel cu tubo grandi. Ing. Figaroa a comenta cu a lucha cun'e y tin'e na su lugha.

DEADLINE

Minister Presidente y Minister di Infraestructura tin hopi presion poni pa caba mas tanto cu ta posibel dia 15 di december. Ta bon pa splica kico a pasa. Dos aña pasa Minister di Infraestructura a bisa cu dia 15 di december 2012, e proyecto mester ta cla. Pero tin hopi cos cu tin cu tene cuenta cun'e cu ora cu tin un proyecto asina mester tene varios destaho y varios proyecto tumando lugha, segun director di DOW. Un di nan ta e parti den caya principal cu mester a cum-

insa cun'e pa banda di Mei. Na April a haya e noticia cu e prijs cu a wordo duna no ta cuadra cu locual cu tin como presupuesto. Por a bisa cu ta dal bay cu e proyecto aunke no tin placa pe. DOW y e infrateam a topa di nobo, haci algun adaptacion na e proyecto y a tene un destaho. Esey a tuma lugha na Juni. Ing. Figaroa a sigui splica cu e prome cu por a keda cla cu otorga na e contratista Mantbraca ta casi yega September. Na lugha di cuminsa na Mei, a cuminsa na September, cu a atrasanan hopi. Pa Minister di Infraestructura, Sr. Benny Sevinger, tin cu bay wak con toch por delanta pa asina acapar'e y esey ta loka e team ta purbando di traha cu shift. Lo yega hopi leu dia 15 di december cu e Caya Grandi.

AINDA FALTA

Tin diferente otro parti di e streetscape cu no lo keda cla. Manera cu Minister Sevinger a trece padilanti e lo bira accesibel. Den temporada di Pasco mester por cana tranquil den caya.



Director di DOW, ing. Jossy Figaroa.

MAS PROYECTO

Tin cu trece dilanti cu pronto un otro proyecto lo cuminsa cu ta e proyect o di Remisse. A cay un poco laat cun'e pero lo bay cuminsa. Ta otorgando e proyecto aki y e plaza dilanti di waf cu lo wordo yama Plaza Bon Bini, cu ta spera cu e

aña aki ainda por otorg'e pa prome kwartaal di otro aña, cu por tin tur cos na nan lugha.

TRECE BIDA DEN CAYA GRANDI

E meta di e proyecto aki ta pa toch tene e caya grandi na bida. Ora cu scoge ta bin cu un proyecto cu

por bisa cu esaki por yuda. DOW Y Gobierno ta bisa cu mester trece algo cu no ta laga e hendenan sali for di centro pero cu ta bin den centro, esey por mira cu ta logrando. Por mira tambe cu a cuminsa drecha e diferente tiendanan. No ta suficiente ainda. Hopi mas tin cu sosode, pero lo sigui conversa cu doñonan di e establecimentonan. Tin diferente grupo cu ta papiando cu nan. Den construcion aki, como cu comerciantenan ta reclama cu cos ta bayendo hopi slow, ta envolvinan mas tanto posibel. Ta informa nan con e ta bayendo pa nan por compronde den kico ta pasando aden cu ora cos ta bay mas slow, nan ta kere cu e ta, pa nan sa kico e motibo ta. Tin algo hopi importante pafico e no a bay manera e mester a bay. Esey lo sigui haci te na ultimo. Ing. Figaroa kier a pidi e comerciantenan, pero tambe tur cliente, pa tene un poco pasenshi. Ta spera cu pa december cu ta mustra hopi mas miho cu e ta awor aki. □